

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), člana 51. stav (1) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) i Programa utroška namjenskih sredstava ostvarenih po osnovu posebne naknade za zaštitu od prirodnih i drugih nesreća za 2025. godinu Kantonalne uprave civilne zaštite – Izvor 30, broj: 02-11-4946/25 od 14.03.2025. godine, na prijedlog Kantonalne uprave civilne zaštite, Vlada Zeničko-dobojskog kantona, na 73. sjednici, održanoj dana 21.03.2025. godine, d o n o s i

O D L U K U

o dodjeli jednokratne novčane pomoći za hitne intervencije Općini Maglaj usljed stanja prirodne nepogode uzrokovane klizištima

Član 1.

(Predmet)

Odobravaju se sredstva Općini Maglaj u iznosu od 45.000,00 KM (slovima: četrdesetpet hiljada konvertibilnih maraka) na ime jednokratne novčane pomoći za hitne intervencije za sanaciju šteta nastalih usljed prirodne nepogode uzrokovane klizištima.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), sa razdjela 14 – Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615100 – kapitalni transferi drugim nivoima vlasti, funkcionalna klasifikacija 320, Izvor – 30.

Član 3.

(Uplata sredstava)

Sredstva iz člana 1. ove odluke uplatit će se na depozitni račun Općine, a koristit će se za namjene utvrđene u članu 1. ove odluke.

Član 4.

(Provođenje odluke)

Za realizaciju ove odluke zadužuje se Kantonalna uprava civilne zaštite i Ministarstvo finansija, svako u okviru svoje nadležnosti.

Član 5.

(Izvještavanje)

Zadužuje se Općina Maglaj da izvještaj o utrošku odobrenih sredstava iz člana 1. ove odluke dostavi u roku od 60 dana Kantonalnoj upravi civilne zaštite.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-5537/25

Datum, 21.03.2025. godine

Zenica

PREMIJER

Nezir Pivić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x Kantonalna komisija za procjenu šteta,

putem Kantonalne uprave civilne zaštite,

1x Općina Maglaj, putem Kantonalne uprave civilne zaštite,

1x „Službene novine Zeničko-dobojskog kantona“,

1x a/a.